



CONVENIO DE COLABORACIÓN ENTRE A SECRETARÍA XERAL DA EMIGRACIÓN DA XUNTA DE GALICIA E A HERMANDAD GALLEGA DE VALENCIA (VENEZUELA) COA FINALIDADE DA EXECUCIÓN DO PROXECTO DE “PERFORACIÓN, MANTEMENTO, ADECUACIÓN E PLANTA DE ENCHIDO DE AUGA POTABLE”.

MEMORIA XUSTIFICATIVA

O secretario xeral da Emigración da Secretaría Xeral da Emigración, **DECLARA:**

Que esta Secretaría Xeral da Emigración ten previsto formalizar coa Hermandad Gallega de Valencia o instrumento convencional arriba referido por un período de vixencia que abrangue dende o día seguinte ao da súa sinatura ata o 31 de decembro de 2019.

Que o instrumento convencional ten por obxecto:

Establecer o marco de colaboración entre as entidades asinantes para contribuír ao financiamento das obras de perforación, mantemento, adecuación e instalación dunha planta de enchemento de auga potable, que permita incrementar a calidade da auga e a versatilidade para o enchido das botellas, que executa a Hermandad de Valencia en Venezuela.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

A Hermandad Gallega de Valencia en Venezuela é a única entidade galega que existe





no dito estado, agrupando actualmente a máis de mil douscentos socios emigrantes galegos e os seus descendentes, representativos da importante colonia galega residente en Carabobo, susceptible e potencial colectivo de persoas ás que están dirixidos os programas e as actuacións que executa a Secretaría Xeral da Emigración coa que está colaborando activamente.

Esta entidade está a desenvolver unha destacada labor social coa que trata de facer efectiva a mellora da calidade de vida dos seus asociados e entre as súas instalacións conta cun Centro de Día no que acolle anciáns pertencentes á colectividade galega emigrante.

Actualmente Venezuela sofre un desabastecemento de auga potable moi importante para a poboación de cuxos efectos non se libra a Hermandade Gallega de Valencia, que impide o seu normal funcionamento e afecta ós servizos que presta ós seus asociados.

Ante esta situación, dentro da labor social que desenvolve e como axuda ó gasto familiar que representa a adquisición de auga potable en establecementos privados, a Hermandade está compartindo os seus propios recursos hidráulicos con cerca de 2.000 familias asociadas de xeito gratuito.

Esta falta de subministro público e a limitación dos recursos hidráulicos cos que contaba, obrigou a entidade a tomar decisións urxentes e inaprazables para paliar os seus efectos para cubrir tanto as necesidades internas como o aporte que realiza á colectividade galega en xeral. Polo que lle resultou necesario facer obras de perforación, mantemento, adecuación e instalación dunha planta de enchemento de auga potable, que permita incrementar a calidade da auga e a versatilidade para o enchido das botellas de 18 litros que é a que habitualmente usan as familias.

A Secretaría Xeral da Emigración estima que é necesario establecer unha colaboración co obxecto de contribuír aos custos da instalación da planta de enchido de auga potable na Hermandad.





Que o presente Convenio é coherente co Plan estratéxico de Galicia 2015-2020, correspondéndose co o seu Eixe E2: “Benestar das persoas e as familias e cohesión social” así como co seu obxectivo estratéxico OE02: “Impulsar os sevizos sociais e prestacións á emigración galega e ás súas entidades, así como aos retornados, para garantir o seu benestar. Promover a inclusión social e loitar contra a pobreza das persoas inmigrantes e calquera forma de discriminación”.

Para o desenvolvemento das actividades obxecto do presente convenio, a Secretaría Xeral da Emigración achegará, con cargo aos orzamentos xerais da Comunidade Autónoma de Galicia para o ano 2019, unha contía de dez mil euros (10.000 €) con cargo á aplicación orzamentaria 04.30.312C.781.0.

A Secretaría Xeral da Emigración, considera que esta entidade é a institución idónea para o outorgamento desta axuda de carácter singular e excepcional, que non se enmarca dentro dunha actuación xeneralizada de axudas para este tipo de actividades, baseándose no disposto no artigo 19.4.c) da Lei 9/2007, do 13 de xuño, de subvencións de Galicia, non sendo posible promover a concorrência pública.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto da Lei 9/2017, de 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela a 10 de outubro de 2019.





XUNTA DE GALICIA
PRESIDENCIA
Secretaría Xeral da Emigración

Praza de Mazarelos 15
15703 Santiago de Compostela
Teléfono 981 545 878. Fax 981 547 296
<http://emigracion.xunta.es>

